

جريدة محاكم

١٢٩٠



جته ايرتسى

نومرو	تجب	سنه	نيسان	سنه	صفحه
٢٩٥	١٧	١٣٠٢	٢٠	١٣٠١	٢٦٤١

* اشبو غزته بهر هفته ججه ايرتسى كونلرى چيقار سنه لىكى در سعادت ايچون مجيديه *
 * يكرمى غروش حساييله التمش غروشدر طشره لر ايچون اون بش غروش پوسته اجرتى ضم اولنور بهر *
 * نسخه سى ينه مجيديه يكرمى غروش اولق اوزره يوز پاره يه هر يرده صاتيپور درج اولنه جق اعلانا تىك *
 * هر برندن بر مجيديه اخذ اولنور سنه لىكنه مشترى اولق استيانلر عدليه نظارتى دائره سنده كا تىن *
 * جريدهء محاكم اداره سنه مراجعت ايلليدر *

قسمت سى

(توجيهات عدليه)

سيواس ولايتى مركز بدايت محكمه سى رئيس
 اوللى ديار بكر ولايتى بدايت محكمه سى رئيس
 اولى اسبق فضيلتلو حاجى نورى افندى يه
 خداوندكار ولايتى استيناف محكمه سى مدعى
 عمومى قسطهونى مدعى عمومى ليكنندن مستعفى
 كال بكه
 انقره بدايت محكمه سى رياست ثانيه سى سيواس
 بدايت محكمه سى رئيس ثانيى رفع تلو طيب
 افندى يه

سيواس ولايتى بدايت محكمه سى رئيس ثانيى لىكى
 مقدا سيواس بدايت محكمه سى رياست اولاسنده
 بولنش اولان راسم افندى يه
 قوصوه ولايتى مركز بدايت محكمه سى مدعى
 عمومى معاونلىكى مناستر ولايتى مركز بدايت محكمه سى
 مدعى عمومى معاونى سابق مالك بكه
 ويزه قضاسى بدايت محكمه سى رياستى قوصوه
 ولايتى مركز بدايت محكمه سى رئيس ثانيى
 مصطفى افندى يه
 قوصوه ولايتى بدايت محكمه سى رئيس ثانيى لىكى
 حلب ولايتى بدايت محكمه سى رئيس ثانيى سعيد
 افندى يه توجيه بيورلشدر

برقزچوجغنگ بکر بنی صورت جبریه ده از اله فلیله
مظنون علیه اولان بر شخصک تخلیصی اسبابی
استحصال ایتک اوزره اوتوز ایرا ارتشا ایلدیکی
ادعا اولنان سوریه هیئت اتهامیه اعضاسندن
رفایل افندیکن سوریه ولایتی عدلیه مفتشلیکنندن
وقوعبولان تحقیق واستیدان اوزرینه تحت محاکمه به
التمسی حقنده نظارت جلیله عدلیه دن مأذونیت
رسمیه اعطا بیورلمغه مومی الیهک محاکمه سندن
حاصل اوله جق نتیجه نک دخی نشر و اعلانی مقرر در

موصل ولایتی داخلنده کائن زاخو قضاسی
ناهی و بدایت محکمه سی رئیس عبدالقادر افندیکن
مساوی معاملاتی ولایت مشار الیهها عدلیه
مفتشلیکنندن اشعار اولتمسی اوزرینه رئیس مومی
الیهک محاکمه سنی ایجاب ابتدیره جک دلائل کافیه
موجود اولدیغی حالده همان معامله قانونیه نک
ایفاسی حقنده مذکور مفتشلیکه مأذونیت رسمیه
اعطا بیورلمش ایدوکی اعلان و نتیجه حاصله سنک
دخی نشر اوله جغنی بیان اولنور

قونیه ولایتی داخلنده کائن عربسون قضاسی بدایت
محکمه سی مستنطقی رفعت افندی بعضی مظنونلرک
سبیلار بنی خود بخود تخلیه به مجامرت ایلدیکی
ولایت مشار الیهها عدلیه مفتشلیکنندن تحقیق و از بار
اولتمسی اوزرینه اولاباده دلائل موجود اولدیغی
حالده تحت محاکمه به التمسی حقنده نظارت جلیله
عدلیه دن دن مذکور مفتشلیکه مأذونیت رسمیه
اعطا بیورلمش و حاصل اوله جق نتیجه نک دخی نشر
و اعلانی جمله مقرراتدن بولنمشدر

- (داخلیه نظارت جلیله سندن عدلیه نظارت)
- (جلیله سنه وارد اولان فی ۲۴ جادی)
- (اولوی سنه ۳۰۲ وفی ۲۷ شباط سنه)
- (۳۰۰ تاریخی و ایکویز التمش بش نوومری)
- (تذکره نک صورتیدر)

کرید ولایتیه مخصوص اصول محاکمات جزاییه
نظامنامه سنک طقسان دردیجی ماده سنک تعدیلی
جهتیه ماده مذکوره به مربوط اولوب مقسوخیتی
ایجاب ایدن طقسان بشنجی ماده مقامه قائم اولق
اوزره جانب ولایتدن تنظیم و تسبیر قننان فقره
نظامیه نک تصدیق عالی به عرضی حقنده کرید
ولایتندن وقوعبولان اشعار و نظارت جلیله لریله
جریان ایدن مخابره اوزرینه شورای دولت
تنظیمات دائره سندن قلمه النان و مجلس وکلادن تدبیل
اولنان مضبطه طرف سامی جناب صدارت پناهیدن
لدی العرض اجرای ایجابی خصوصه اراده
سنیه جناب پادشاهی شرفتعلق بیورلمش و مذکور
فقره نظامیه ایله شورای مذکورک اولاباده کی
مضبطه سی صورتلری لغا ارسال قلمش و بونلرک
دیگر بر صورتلری دخی جانب ولایتیه کوندرلمش
اولغین اولاباده

- (کرید مخصوص اصول محاکمات جزاییه)
- (قازن عتیقنک طقسان بشنجی ماده سی اولوب)
- (قانون مذکورجه اجرا ایدیلان تعدیلات اخیره)
- (اوزرینه تنظیم و ارسال بیوریلان قانون)
- (جدیدک یوز اونجی ماده سی صره سنه ادخال)
- (ایدیلان ماده قانونیه مقامه قائم اولسی لازم)
- (کلان ماده نک صورتیدر)

وقوعبوله جق اعتراض حکمک اجراسنی تأخیر ایدر

و اعتراضنامه مرکز ولایتیه بولنان هیئت اتهامیه به
و علیهنه اعتراض اولنان قرارنامه اشبو هیئت
اتهامیه طرفندن اعطا اولتمش ایسه رسموده کی
هیئت اتهامیه به بلا تأخیر اسرا ایدیله جک و هیأت
مذکوره جانبندن اعطا اولنه جق قرارنامه طرفین
متخاصمین حقنده صورت قطعیه ده عد اولنه جتدر

قسم غیر رسمی

(محکمه لری)

محکمه لفظی تلفظه باشلانلدیغی صره ده اذهان
و افکارک فصل دعاوی به مخصوص بر محلی تصور
ایده جکنده شبهه اولنه ماز ظن ایدرم
دنیانک هر هانکی بر قطعه سنه کوز کزدره جک
اولور ایسک بومثللو محلله تصادف ایتمک
قابلیدر
بومحلله هر ملت کندی لسانجه بر اسم و پردیکی کبی
عثمانلیلرده لساننر بنک رکن اصلیدی بولنان لسان
عربی به اتباعاً محکمه نامی و یرمشدر
بومحللرک قدسیتی بین البشر اوقدر عالی کوریلورکه
هیچ بر ملت کندوسنی محکمه سزلیکله اتهام ایتک
ایسته مز

نصل ایسته سونکه محکمه لری غیر قابل استبداد

و محافظ حقوق عباد در
 ابناء بشر محکمہ لک وجوب وجودینی یا لک زامنہ
 متأخرہ تقدیر ایش دکلدر
 بر کرہ یکمیش زمانلک اصول عمومیہ سنہ عطف نگاه
 اولنورسہ کوریلورکہ افرادینی بشر هر زمان
 ایچون بر یولده بر محکمہ نک وجودینی حس ایدرک
 میدانہ قویمشدر
 فقط بو محکمہ لک بولند قری زمانک احوالنه و اوزمان
 ایچنده یشایان اقوامک اخلاق و عاداته کوره
 ترتیب و تشکیل ایدلش اولدینی جهتله انلری شمذیکی
 محکمہ لره قیاس ایشک لازم کلز
 مثلاً هجرتدن اوچیک بو قدر سنہ مقدم اسکی
 مصر لیلرک تأسیس ایش اولد قری حکومتر زمانده
 بر طاقم حا کلر معرفتله یلان یره یمین ایدنلرک
 اعدامنه و بر قتل و قوعبوا و بده موقع قتلده حاضر
 اولدینی حالده مقتول مظلومه اعانه ایتیانلرک و یاخود
 اعانه یه مقتدر اوله مامش ایسه ده قاتلی حکومه خبر
 و یرمکن استتکاف ایش اولنلرک اوچ کون آج
 براغلد قدن صکره قاهچی ایله ضرب اولنلرینه
 و دشمنه جاسوس سلق ایدنلرک قطع لسانلرینه و ساخته
 سکه و کیله و وزن و مهر استعمال ایلانلرک قولرینک
 کسلسنه و مدیونلرک کافه اموال و اشیاسنک
 الاجق قری نسبتنده داینلره و یرلسنه حکم اولنور
 و بو حکم لدر حال اجرا قنور ایدی
 لکن حکم ل و حکم لک مستنداتنی اولان قانونلر
 یارؤسای حکومت طرفلرندن و یریلوب قاعده
 اتخاذ اولنان امرلر و یاخود ینه رؤسا طرفندن

وضع اولنش اصولردن عبارت اولوب، حا کلرده
 بالطبع شو و اوامر و اصوله توفیق حرکت ایدر
 ایدیلر
 زمانک تغیری احکامک تغیرینی دخی ایجاب ایلسنه
 مینی زمانلر دکشدیکه و امم واقوام و بناء علیه
 اخلاق و عادات تبدل و تجدد ایتدیکه معاملات ناسه
 تعلق ایدن احکام و اصول دخی بالتبعیه تبدل و تغیر
 ایدرک انک نهابه زمانلرک اصول و احکام جار یه سی
 تأسس و تقرر ایشدر
 فقط شوراسی دخی فکرلردن اوزاق طو تلامیلرکه
 هیأت اجتماعیه بشر یه نک حقوق عمومیہ و شخصیه یه
 عائد معاملات ایچون بر اصول معدلت اتخاذک
 وجوبینی حس و ادراک ایتسنه ادراکات طبیعیہ
 انسانیه دن ماعدا شرانغ جلیله الهیه دلالت ایش
 و ارشادات بنی بشر او دلالت سایه سنده سایه بان
 اولشدر
 هله بو ارشاداتک مکدس شریعت اسلامیہ ده
 کورلشدر دنیاده معاملات حقوق عباد ایچون
 او یله قانونلر او یله حکم ل وضع ایشدر که بو کونکی
 کونده بر چوق مسائل متصوره و موضوعه سیچون
 حوادث عالمه بیله تصادف اولنه میور
 شریعت اسلامیہ فصل و حسم حقوق ایچون
 ساحه معدلته او یله اصوللر قویمشدر که بو اصوللر
 محکمہ لره حکامک وظائف حقیقیہ مقدسه سیله
 برابر اصول محاکمه بینی دخی بزہ تعریف و تعلیم
 ایشدر
 محکمہ ل انتظام عالم و استحصال حضور و امنیت
 ام ایچون بر مدار معدلت معیاردر

محکمہ ل تهذیب اخلاق بنی بشر و تأدیب افراد
 اهل شرایچون بر حکمت گاه عالمدر
 محکمہ ل ناشر عدالت و نظم منظم امور امتدر
 دنیاده هیچ بر ملت تصور اولنه مزکه افرادی
 حقوقدن امین اولدینی حالده برداره انتظام
 و مطاوعت ایچنده بولنسون
 دنیاده هیچ بر هیئت تصور اولنه مزکه اعضاسی
 فساد ایچنده بولنسونده کندوسی پایدار اولسون
 دنیاده هیچ بردوات تصور اولنه مزکه تقویہ
 اساس و ارکانی ایچون تبعه سنک انتظام احوالنه
 محتاج اولسون
 مسلدر که امنیت عمومیہ حائز اولسان بر مملکتده
 افرادک حضور و راحتی قابل اوله مز
 افرادینی بشر عمدنده بالطبع الک مقدس و الک عزیز
 ضویتلان شی مال و جان و عرض اولدیندن هر هانکی
 بر شخص اولور ایسه اولسون شو نلردن طولابی
 امنیتلرک ایچنده قالور ایسه حسب البشر یه
 کندوسنه بر مامن ارامغه مجبور اولور
 افرادک مال و جان و عرضنه و قوعبوله جق
 تسلطلرک هیچ بر زمانده اوی الله مز
 چونکه ابناء بشر خلقتاً جلب منفعت و دفع
 مضرت طبیعتنه مظهردر حالا بو کونکی
 کونده امر تمدنده درجه علیابه و اصل اولان
 مملکتلرده بیله بو مقولنه تعرضات متعاقب الوقوعدر
 انسان خلقتاً جلب منفعت و دفع مضرت طبیعتنی
 حائز اولنجه هر شخص استحصال منفعت ضمننده
 مشروع و غیر مشروع بر طاقم معاملات و تجاوزاته

مباشرت ایدرکه او بر طرفه کی دفع مضرت طبیعتی
 دخی متجاوز علیه مدافعه یه مجبور ایدر
 حالبوکه دفع و جلب کی یکی قونک برارده اجتماعی
 بر طاقم صدماتی ایجاب ایدرکه بو صدمه لردن حاصل
 اوله جق شراره فساد انتظام عمومی بی افساد
 ایدرکیدر
 ایشته طبایع بنی بشرک سوء استعدادندن طولایدرکه
 هیأت اجتماعیه بشر یه هر شخصک دائره
 معاملاتنی تعیین و تحدید ایله وظائف اصلیہ انسانیہ
 و معاشرت عمومیہ انسیه بینی تعلیم و تفهیم ایشک
 ایچون بر لزوم قوی و ضروری حس ایدرک بناء
 علیه مظلومک حقنی استحصال و ظالمک امر
 تأدیب و تربیه سنی اکمال و امنیت عمومیہ بینی استحکام
 مقصدیله قوه عدلیه بینی استعماله دامن در میان
 اهتمام ایش و شوقونک حسن استعمال ایچون دخی
 صورت مخصوصه ده محکمہ ل تأسیس و تشکیل
 ایدلشدر
 بر ارجق دوشمنیله جک اولور ایسه محکمہ لک
 نصل و نه یولده مهم بر وظیفه ایله مکلف اولد قری
 اکلاشیلور وظیفه نک اهمیتنه کوره شو مکلفیت
 محاکمک بالطبع حرینی ایجاب ایتدیردیکندن
 محکمہ ل حر و مستقل اولق لازم کلش و بنا برین
 هر درلو مداخلتدن مصون براغملشدر چونکه
 حقوق عامه نک استحصال و محافظه سی و افراد
 هیئتدن متجاوزلرک تأدیب و تربیه سی کی
 وظائف مهمه مقدسه ایله مکلف اولان محکمہ ل
 معاملات واقعه سنک کافه سنی بر قانونه استناد

ایشدیره جکندن مستنداننی افعال ایله حسن توفیق
ایده بیلک و هر توفیقی بر نص صحیح و سالمه مستند
اوله بیلک ایچون افکار سالمانه و آراء احرارانه به
اشد احتیاج ایله محتاجدر زیرا سلامت افکار
و حریت آرایه مالک اولیان بر شخص بیله افعال
و حرکات ذاتیه و شخصیه سنده بر طریق استقامت
بو او بده کیده مز

زده قالدیکه حکمه مأمور اولان بر هیئت حاکمه
عاده

محاکمک دوچار مداخله اولسی بروقتلر او قدر سوء
استعمال و نتیجه بی موجب اولمشدر که عادتاً بعض
زمانلرده بعض دولتک اساس اداره حکومت
و هیئتی بیله صار صمشر

دنیاچه انشاء بشر ایچون بحسب الطبیعه اداره
کیفیه دن الذ برشی اولدیغندن هر کیم اولور ایسه
اولسون میدان بولدیغنی آنده کندی کیفیک حکمه
تبعیتله بنی نوعی اراسنده اجرای مافی الضمیره
در حال مباشرت ایدر حکم کیفیه تابع اولان شخص
هر نقدر ار باب معرفندن و افکار منوره اصحابندن
اولسه بیله مادامکه میدان کند و سیچون اچیدر
سائقه طبیعتله ایستدیکنی ایشلیکده کند و سنی
حر و مختار بولور

قط کافه حرکاتی بر قانونه بر اصوله مربوط اولان
محکمدر مادامکه هر امرینی بر قانونه استناده مجبوردر
بلااستنا اداره کیفیه ایله اعطای حکمه بالطبع
مأذون اوله مز

افراد بنی بشرده که فکر امنیت و حضور هیچ

بروقنده زائل اوله میه جغندن هر کس حقوق ذاتیه
و شخصیه سنک محافظه و استحصال ایچون بر هیئت
حاکمه عادلیه عرض احتیاج ایتمکده معذور
اوله هیئت حاکمه که کافه حرکات و سکناتی امر
حکمه محسنات معدت آیات ایله مال مالدر

محکمدر مداخلات خارجیه ایله تحدید معاملات ایتمش
بولنور ایسه هیچ شخصک او محکمدره امنیتی اوله مز
ز بر او وظیفه آحر و بیطرف و بیغرض اولمق شانندن
اولان محکمدر بر طاقم او امر مجرد خارجیه به
تبعیه مجبور اولور ایسه کندولرینه تودیع
اولسان حقوقی او مجبوریت سائقه سیله طریق
مستقیمدن انحراف ایشدیره جکرنه شبهه اولنه مز

چونکه محکمدره مداخله ایله جک اولان بر قوت
تهدیدینی ایقاعه مقتدر قوتلردن اولمق اقتضا
ایده جکندن بر محکمدر قوتی فوقنده بویه بر تهدید
التنده بولنور ایسه اندن نه انتظار اولنه بیلور

خلقک حقوق ایچون امنیت ایله جکی بر محل شو حوالده
بولنور ایسه هانکی بر شخصده امنیت ارانور

حالبوکه حقوقک امنیتک ایچنده بولنمسی افرادک
اغتشاش افکار بنی موجب اولور که بو اغتشاشک
دوامی امنیت عمومی نک زوالنی ایجاب ایدرک بالآخره
مالاً و ملکاً و نفوساً چوق مضرترلی تولیده باعث
اوله بیلور

مسلمدر که هیأت اجتماعیه بشریه نک دوام و بقا
و انتظامی امنیت عمومی نک وجود بیله قائمدر

محکمدرک اهمیتنی تقدیر ایدنله کوره بولنرک

و خوب وجود بنی تقدیس ایتمک قابل اوله مز
بر هیئت و بردولتک روحی مشابه سنده اولان محکمدر
مقابر ذاتیه و حقیقیه سنی تسلیم ایلدکن صکره
برده او محکمدرلی ترکیب ایله جک تکاملک احوال
و اوصافنه عطف نگاه ایتمک بحثک فرائض
متممه سندندر

اول امرده شوراسی معلوم اولمق لازم کلور که
وظائف حاکمیتی در عهده ایله جک ذوات شو
وظیفه نک قدسیتنی تقدیر ایله برابر حاکمیتک محتاج
الیهی بولنان قوانین شرعیه و سیاسیه وانلره تفرع
ایله جک اولان بر طاقم علوم و فنوننه عارف اولمیدر لر که
حتی و یره جکری حکمدر سبب جهالتله مانع اصابت
اولسون

بر حاکم ایچون طمع غرض خصومت بطالت
عدم استقامت مداهنه تملق تعند تجرکی اوصاف
ایله متصف اولمق باعث شین و قصوردر

حاکم ایچون اتصافی لازم کلان اوصاف مجله
و کتب فقهیه سائر نک کتاب القضا لرنده بوجه
تفصیل محرر اولدیغندن انی بوراده تکرار ایتمک
نیتنده دکل ایسه کده بردولت و بر حکومتک
تأسیس و تشکیل ایله حقوق عبادی تودیع ایتمش
اولدیغنی محکمدرلی اداره و وظیفه حاکمیتی اجرایه
مأمور اولان حاکمک بولندقلری مقام و مأموریتک
و در عهده ایلدکری وظائفک اهمیتنی و مادی
و معنوی دوچار اوله جققرلی مسئولیتک درجانی
لایققله تقدیر ایلرلی الزمدر چونکه اجرای
وظیفه ایله جکری مملکتک حاوی اولدیغنی افراد

عبادک و منسوب اولدقلری حکومتک حقوقی کندی
عهده حیتلرینه تحمیل و تودیع ایلدش اولدیغندن
بو حقوقی تمامی محافظه ده و وظیفه لر بنی حسن
استعمالده کندی ناموس و وجدانلری کافل و ضامن
اولمق لازم کلور

حکامک وظیفه لر بنی سوء استعمال ایتلری امنیت
عمومیه بی اخلاله بادی اوله بیلور مثلاً مال و جان
و عرضه تسلط و حقوق حکومته تجاوز ایدن
بر مجرمی تحت حکمه المق ایچون الله مدار حکم
براهین قاطعه موجود ایکن قصداً انی تبریه ایتمک
هم حقوق حکومت و همده حقوق عبادی پایمال
ایده جکندن حکومت و اشخاصک او محکمدر
امنیتی زائل اولور

حالبوکه ناموس و وجدانه مالک اولان هر حاکم
ایچون قصداً بو یولده وظیفه سنی سوء استعمال
نه تصور ونه ده تصدیق اولنه بیلور

کذلک مغدوریت و مظلومیتی براهین قویه ایله
متحقق اولان بر شخصی بر غرض اوزرینه تحت حکمه
المق بنه وظیفه حاکمیه مغایر افعالندر

والحاصل بختلری نتیجه لتدیرمک ایسته بیجه
دیرزکه محکمدر محافظه حقوق ایچون بر میزان
معدت بیان و حاکمراومیزانک لسان حقیقت
نشانلر یدر والسلام علی من التبع الهدی

سوره استیناف جزا

رئیس السید محمد

رشاد

محکمه تمیز جرایم دایره سی

کوره امانتی کندوسنک قبول ایش اولسی و امانت
تعداد اولتماش ایسه ده کندوسنه تودیع اولنان
بر چیقینی اعاده ایتک صد دنده بولنجه زده قالدی
بیلم دیسی و بوفادانه یعنی چیقینک زده اولدیغنی
بیلم دیوسرد ایتدیگی کلمه مابین و مناقض اوله رق
شمدی بر چیقین و پررم افاده سنه قالمشمدی کی قرائن
قاطععه و بیانات ایله بالواسطه استیداع ایش اولدیغنی
امانتی سوء استعمال ایلدیگی درجه ثبوتیه موصول
و چیقینک کندوسنه تسلیم اولدیغنی مزبوره غیر
منکره و بوامانتک تعاطیسنه وساطت ایش اولان
سنبله قالدین دخی چیقینک مزبوره خدیجه خانمک
اولدیغنی مقرر بولنسنه و بو چیقین اعاده اولماسنه
و حجام مزبوره راسمه خانمک تحت اجاره سنده
اولدیغندن اماناتک اعتبار و نامنه تودیع اولنه جغنی
و کندوسنک رسوللری حکمنده بولنان خدمتچیلرک
معاملاتندن دخی نوعاً تحت مسؤلیتده بولنه جغنی امر
طبیعی بولنسنه نظر اهر صورتله مدعیه شخصیه مزبوره
راسمه خانم بو باده مسؤل اوله جغندن قانون جزانک
ایکیوز اوتوز اتنجی ماده سی حکمنه توفیقاً مزبوره
راسمه خانمک ایکی ماه مدته حبس ایلنسنه و سوء
استعمال ایلدیلوب مقدار قیمتی مجهول بولنان اشیانک
قیمتجه مصدقیتی و ترجیح بیانات کیفیتی درمیان
ایدیلرک فصل مصلحت اولنقی لازم کلدیکندن
بو جهتنک حلی ضمنده حقوق محکمه سنه حواله
ایلمسنه و بعده تعیین ایده جک قیمتک ربعی قدر جزای
نقدینک راسمه خانمندن اخذیننه دایر بک اوغلی مرکز
بدایت محکمه سی جزا دایره سنندن و یریلان قرارک
استینافاً رؤیتی مستدعیه مزبوره راسمه خانمک
اعطایتدیگی عرضحال ایله حقوق شخصیه دن متولد

جنحه دعور زنده تدقیقات تمیزیه نك مستدعی
طرفندن در میان اولنه حق اسباب شکر یریه انحصاری
احکام قانونیه اقتضاسنندن . حقوق عمومیه
دعواسنک حق شخصی ادعاسنه تقدیمی درکار
ایسه ده بوقدم هر نوع دعوا یه شامل اولمیه رق بعض
مواد جزایه نك صرف دعاوی حقوقیه دن انبعث
ایده بیله جکی و حقوق عمومیه دعواسنک ایسه
هر حالده افعال ممنوعه دن برفعلک ظهور ینه وابسته
ایدوکی درکار اولدیغنه بناء امنیتی سوء استعمال
دعواسنک قانوناً موجب جزا اوله جق صورت
ودیعه نك صاحبنی اضرار قصدیه کتم اولنسی ایجاب
ایدر . کتم قصدی ثابت اولدقجه و دیعه دعواسی
حقوق عادیه درجه سننده قالور . بواساسلرک
خلافنده بر محکمه دن صدور ایدن حکمک تمیزاً
نقضی اقتضا ایدر

طو بخانه جزا رنده دفتر دار یقوشنده اوچ نومرولی
خانه ده ساکن شرکت خیریه مأمورلندن مصطفی افانک
زوجه سی خدیجه خانمک جهانگیر محله سنده ساکنه
اغاجاجیسی راسمه خانمه جهامده برای محافظه امانت
تودیع ایتدیگی بر چیقین دروننده ایکی عدد الماس ایکنه
ایله طقوز لیرا و بر مقدار اینجوی مزبوره راسمه خانمک
اضرار قصدیه کتم و امانتی سوء استعمال ایلدیگی اجرا
قلنان محاکمه ده اولا کندوسنه بر چیقین تودیع اولدیغنی
سرد ایلدیگی حالده اعاده اولنوب اولدیغنی تعیین
ایده مامسی و سنبل قالدین واسطه سیله استیداع ایلرک
فاطمه قالدین یدیله حفظ ایتدیگی تحت اعتراضده بولنسنه

تضمینات جهتنجه و یریلان حکم بغیر قانون اولدیغنی
متضمن استیناف مدعی عمومیلکنندن تنظیم اولنسان
ادعا نامه اوزر ینه طرفین جلب ایله اجرا قلنان محاکمه
علنیه نتیجه سنده مستأنفه راسمه خانم و کیلی حکمت
افندی تفصیلات لایحه و افاده مشروحه لرنده محرر
اولدیغنی اوزره حکم لایحه بالاعتراض فسحنی طلب
و دعوی ایدیورلر ایسه ده مزبوره راسمه خانم
دایره استنطاقده امضاسی تحسنده النان افاده سنده
مزبوره سنبلک حفظ ایت دیو و یردیگی بر چیقینی
انافاطمه یه و یره رک دولابه وضع و مفتاحنی کندوسی
الدیغنی و چیقینک اخیراً کیسه یه و یرلدیکنی اقرار
و دولابی کندوسیه فاطمه دن بشته کیسه نك
اچه میه جغنی و اغر اولان امانتک دولابه محافظه
ایدر ایدوکی بیان و تقریر ایلدیگی حالده شمدی
مذکور چیقینک مزبوره طرفندن صاحبه سی تعیین
و دروننده اولدیغنی بیان ایلدیکسزین و یرلدیکندن
و کندوسنک ایسه مشغولیتی بولندیغندن مزبوره
سنبلک ظنیله پشتمال و نعلین کی جامک لوازمات
ضروریه لرینی وضع ایتدکر بینی دائماً اچیق
طور مقده اولان دولابه وضع ایتک اوزره انافاطمه یه
و یردیکنندن مزبوره نك دولابه وضع و یا عدم
وضعندن معلوماتی اولدیغنی لزومی تقدیرده مذکور
دولابی جامک بالجمله خدمتی و اوسته قالدینلری
اچوب قیادیغنی یکدیگره مابین و مناقص بر صورتله
بیان ایلنسنه و افادات مذکوره یه کوره یه کوره اشیاء
مذکوره بی سنبل قالدین واسطه سیله استیداع ایلرک
فاطمه قالدین یدیله حفظ ایتدیگی معرفه بولندیغندن
امانتک کندوسنک قبول ایش اولسنه و هر نقدر
اشیای مذکوره بالتعداد تسلیم اولتماش ایسه ده اعاده

ایتمه رک زده قالدیغنه عدم معلومات بیان ایتسنه
و بدایتاً اثنای محاکمه ده وقوع بولان استیضاحه
قارشو و کیلی حکمت افندی طرفندن مدعیه نك
لاعلی تعیین بیاض بر چیقین و یردیکنندن و چیقینک
موجود بولندیغندن کرک مدعیه طرفندن و یریلان
چیقین اولسون و کرک دیگر چیقین اولسون حاصلی
بر بیاض چیقین اعاده ایده جکنی افاده ایتسنه
و مؤکله سی مزبوره دخی اختیار سکوت ایله اشبو
افاده بی قبول ایلنسنه و هر نقدر و کیل مومی الیه
بوفاده سی بدایت محکمه سنک بر سهوی اولدیغنی
ادعا ایتک صر برتأویلاته قیام ایتک اولدیغنی
میدان وضوحه ایصال ایلنسنه و مدعیه مزبوره
خدیجه خانمک بوجه ادعا نقود و اشیای اولدیغنی
و بواشیایی دائماً یاننده طاشیقده بولندیغنی متواتراً
خبرو یرلنسنه و مزبورتان سنبل و فاطمه نك صفت
مظنونیتی حتمنده اولان اعتراضه کلنجه مزبوره
راسمه خانم اشیای مذکوره بی استیداع ایتدیگی
مارالبیان افاداتیله متحقق اولدیغندن مزبورتان
سنبل و فاطمه نك بوجه صفت مظنونیتده بولنجه
جقیری کی بولنرک افاده لر یله سوزدل خانمک
اخباری یلننده اولان مبانیت ایسه مدعا به اولان
اشیانک تودیع مسئله سنده اولوب حالبوکه مزبوره
راسمه خانم اشیای مذکوره بی هر نه صورتله اولور
ایسه اولسون کندوسنه تودیع اولدیغنی مقرر
اولدیغندن بو باده اولان مبانیتده بر کونه اهمیت
اولماسنه نظراً سرد اولنان اعتراضاتک شایان
قبول کور یله مدیکندن ردیله احوال مسروده یه
هینی مستأنفه مزبوره راسمه خانمک حفظ اولنقی

کوسه تریلان مذکور چیقینک ایچروسنده تقود
 و مجوه راتدن اولدیغی درجه ثبوته ایصال ایدر
 نه اخبارات ونه ده برکونه اماره به دسترس
 ارله مدیغندن بوجهتک حلی حقوق محکمه سنه
 براغلمش اولدیغی واستیناف محکمه سنجه دخی بوباده
 برکونه شهادت اولدیغی حالده مدعیه شخصیه نك
 قول مجردیله تقدیر ایتش اولدیغی قیمت اوزرینه
 تضمینات ایله جزای نقدی حکم اولنسی مغایر قانون
 اولدیغی کبی اشبو دعواده حقوق شخصیه جهتی
 فیصل پذیر اولدقجه حنوق عمومی جهته باقبه
 میه جغی بیدار ایدوکندن و دائرة استنطاقده
 ضبط اولنان افاده سنه کلجه مستنطق ضبط ایلدیکی
 افاده نك ختامنده برکوه او قویوب بوا فاده سنک بیدر
 تماماً یارلتمیدر امضا ایدر مپسک دیو تحر بر آس و آل
 ایدوب اله جغی جوانی درج ایلسی احکام قانونی دن
 ایکن مستنطق افاده سنی او قومدیغندن و امنیتتی سوء
 استعمال دعوای زنده مدعا به هر کیمه تسلیم اولنش
 ایسه نك حقنده اقامه دعوی اولنق لازم کلوب
 مدعیه شخصیه خدیجه خانم ایسه ضایع ایلدم دیو
 ادعا ایلدیکی اشیا سنی اولجه سنبل اوسته یه و مزبوره
 دخی کندوسنه و یرمسی متعاقب دروننده نه
 اولدیغی کوروب معاینه ایتدیکی بر بیاض چیقینی
 انا قادینه و یرمش و چیقین ضایع اولمش ایسه
 مزبور نك ضایع ایلدیکی وانلر حقلرنده حکم لاحق
 اولق لازم کله جکی میدانده و کیفیت تسلیم و تسلیم
 دخی هر ایکس نك تحت اقرار لرنده بولنش ایکن انلرک
 شاهده و مخبره صفتیله استماع ایدبله رک بر انلرینه
 و کندوسنک محکومیتنه قرار و یرمسی و چیقینک
 قونلدیغی دولابک اخشامه قدر اچق اولدیغی
 اثبات ضمننده حجام خدمه لرندن راتنه و قاطمه

ار زره مستأنف علیها خدیجه خانم طرفندن امانه
 تودیع اولنان و اون یدی کیسه قیتمنده بولنان ایکی
 عدد الماس ایکنه سیله بیک غروشلق اینجو و طقوز
 عدد عثمانلی التوننی اضرار قصدیله کتم و امنیتتی سوء
 ایتدیکی استینافاً دخی متحقق اولدیغندن مزبور نك
 ایکی آی مدله حبسی حقنده اولان قرار ایتداینک
 تصدیقنه و سوء استعمال ایدیلان اشیا دن طولانی
 کیفیتک حقوق محکمه سنه حواله سنه دائر اولان
 قرار ابتدائی به کلجه مستأنف علیها خدیجه خانمده
 اولمقدار اچده و اشیا اولدیغی جله اخبار ائندن
 اولوب مواد جزائیته ده حکمک تفریق و تقسیمی
 قابل اوله میه جغندن و حقوق عمومی دن متولد
 تضمینات شخصیه دعوای نك حقوق عمومی بی
 رؤیت ایدن محاکم جزائیته ده رؤیت ایدیله بیله جکی
 اصول محاکمات جزائیته قانون موقتک جله
 احکامندن بولندیغندن حکم ایتداینک بوجهتک
 فسخیله ادعا اولنان ایکنه و اینجو بدلی اولان طقوز
 بیک بشیوز غروشله طقوز عثمانلی التونک دخی
 مزبوره راسمه خاندن استیفاسیله مدعیه شخصیه
 خدیجه خانم اعطاسنه و ربعی اولان ایکی بیک
 التیوز غروش جزای نقدی نك دخی تحصیلیه عدلیه
 وزنه سنه تسلیمه و مصارف محاکمه اولان سکسان
 بش غروشک دخی بدایه تحصیلیه کوسه تریلان مصارف
 محاکمه ایله برابر مزبوره دن استحصالیله عدلیه
 وزنه سنه اعطاسنه اکثر یتله حکم اولنسی اوزرینه
 حکم واقعتک نقضی استماع سیله مزبوره راسمه
 خانم طرفندن محکمه تمیزه مراجعت اولنش
 و اولیاده محکوم علیهانک و یرمش اولدیغی لایحه
 اعتراضیه مندرجاتی بک اوغلی مرکز بدایت
 محکمه سنجه جریان ایدن محاکمه لرنده ضایع ایلدیکی

و کوجک قاطمه ایله زینتی قادیلرک افاد لرینه
 مراجعت ایلدی حقه نده اولان طلبنک ثمره سنز
 براغلمسی و اعاده سی صدندنه بولنماش اولدیغی
 بیان اولنان مذکور چیقین طوغر یجه سنبل قادینه
 تسلیم اولندیغی حالده تعاطیسنه و ساطت ایلدیکی
 بیسانیه مزبوره نك مع الخلیف افاده سنک ضبط
 اولنسی مغایر اصول اولدیغندن و بدایت اعلانده
 حجام کندوسنک تحت اجاره سننده اولدیغندن
 اماناتک کندوسنک اعتبار و نامنه تودیع اولنه جغی
 و کندوسنک رسولری حکمنده بولنان خدمتچیلرک
 معاملاتندن دخی نوعاً تحت مسؤلیته بولنه جغی
 محرر ایسه ده کندوسنه ارئه ایدبله رک ایشته
 شواشیار می اوسته قادین ایله سنزه ارسال ایدیلورم
 محافظه ایدیکز دیو سولندیکی حالده ضایع ایدیلور
 ایسه مسؤل اوله جغی درکار اولوب بوخسه حجام
 تحت استیجارنده اولدیغی حالده حجام خدمه لرینه
 تسلیم اولنوبه انلر طرفندن ضایع ایدیلان مالدن
 هیچ بوجهله مسؤل اوله میه جغندن و امنیتتی سوء
 استعمال ایدیلوب قینی مجهول بولنان چیقینک
 حجامده مدعیه شخصیه طرفندن تسلیم اولندیغنه
 دائر اقامه ایدیلان شهودک افاداتندن مبیانت کلیه
 حاصل اولدیغی و مذکور چیقین طوغر یدن
 طوغری به کندوسنه تسلیم اولندیغی حالده لاجل
 الشهاده مؤخرأ کتور یلان سوزدل خانمک
 کندوسنه تسلیم اولندیغی بیان ایتش و هنوز مذکور
 چیقینک طوغر یدن طوغری به کیمه تسلیم اولندیغی
 بیله مدکرینی میدانه قو یش و بوبله صورت
 علنیته ده مواجهه لرنده اجرا ایدیلان بر معامله یه
 کسب اطلاع ایتدیگری حالده دروننده مجوه رات
 و سائر اولدیغی بیله میه جکری شبهه دن آزاده
 بولنش ایدوکنندن بخله اعلام استینافی مذکورک

تقاضی حاوی و مدعیه شخصیه خدیجه خانمک لایحه
 جوابیه سی مفادی دخی مزبوره راسمه خاتم
 بالواسطه تودیع واعطا ایلدیکی چیقین دروننده
 بولنان و قیلمری متحقق اولان بر جغت الماس ایکنه
 و طقوز عدد لیرا و بر مقدار اینجو حقنده امنیتتی
 سوء استعمال ایلدیکی بدایت و استیناف اعلام لرنده
 و اوراق نطقیه ده مندرج و مبین قرائن قاطعه و بیانات
 کافیله متحقق اولدیغی و حقوق شخصیه دعواسی
 حقوق عمومی دعواسیله برابر بر محکمه ده کورمک
 جائز اولدیغی کبی آروجه بر محکمه ده دخی کورمک
 جائز ایدوکی اصول محاکمات جزائیته قانون موقتک
 او چنجی ماده سننده مصرح اولوب حقوق عمومی
 دعواسنک فصلی حقوق شخصیه نك فصل ورؤ یتنه
 متوقف بولندیغی و مزبور نك اوراق نطقیه ده
 مندرج اولان افاداتک عدم قبولنه دائر اولان
 ادعای مستغنی عن الجواب و غیر مسموع اولوب
 فرض محال اوله رق بوبله بر حال وقوع بولسه
 دخی اشکاعن الحکام قیوسی مفتوح ایدوکی و مذکور
 چیقینی مزبوره راسمه خانمک آدمیری اولوب حجامده
 استخرام ایلدیکی اوسته لر دن مزبوره سنبل اوسته
 واسطه سیله کندوسنه تسلیم اولندیغی و کندوسنی
 دخی انا قادینه امر ایدوب دولابه وضع و حفظ ایله
 اختاری کندوسنه و یرلدیکی اوراق نطقیه ده معترفه
 ایکن ضمان لازم کلیوب مزبوره تان سنبل اوسته
 و انا قادینه لازم کلدیکسه و مزبوره تان علیه لرنده
 حکم و برمک اقتضا ایده جکنه دائر اولان
 اعتراضاتی شایان قبول اولدیغی و مذکور دولاب
 امانات وضع و حفظنه مخصوص بر دولاب ایدوکی
 مزبوره راسمه خانمک افادات مکرره نطقیه سننده
 مندرج اولدیغی و فرض محال اوله رق دولاب افاده
 اخیره سی و جهله دائماً اچیق طورر بر دولاب
 اولسه دخی مذکور چیقینی لاجل الحفظ استیداع

اولان مواد مخصوصه سی احکامه توفیق معالیه
ایدلک ایجاب ایدر ایکن مدعیه شخصیه نك قول
بجردینه استناداً بدلات مذکور نك تحصیله حکم
اولنسی بولسز و مغایر قانون بولنش اولدیغنه بناء
اصول محاکمات جزایه قانون موقتک اوچوز
اون دردنجی اوچوز ارن طقوزنجی ماده لری
موجبجه حکم مذکورک بوجهتک نقضی طلب
اولنش اولمغه محکمه تمیز جزاداره سی آئیده کی قراری
اعطا ایلشد

بومثلور رأماً تمیزی جاژ اولیان جنجه دعوالری
حقنده عند الاستدعا اجرا اولنه جق تدقیقات
تمیزی به مستدعی طرفندن در میان اولنه جق اسباب
تمیزی به انحصاری احکام قانونیه اقتضاسندن
بولنسنه و مستدعی تمیز رسمه خانک لایحه
اعتراضیه سی مندرجاتدن اشبو دعواده حقوق
شخصیه جهتی فیصل پذیر اولدقجه حقوق عمومیه
جهتیه باقیله جغه اعتراضک وظیفه مسئله سنی
متضمن ولایحه جوابیه نك بوکا دائر اولان قهره سی
دخی اصول محاکمات جزایه قانونک اوچنجی
ماده سی مفهونجه اعتراض مذکورک واهی ایدوکنی
مبین اولسنه مبنی ابتدا بومسئله حقنده مداوله
افکار اولندقدده واقعا قانوناً حقوق عمومیه دعواسنک
حق شخصی ادعاسنه تقدیمی درکار ایسه ده بو تقدم
هر نوع دعوا یه شامل اوله میه رق بعض مواد جزایه نك
صرف دعاوی حقوقیه دن انبعات ایده بیلجه کی
درکار و حقوق عمومیه دعواسنک ایسه هر حالده
افعال ممنوعه دن برفعلک ظهورینه وابسته ایدوکی
بدیدار اولوب بناء علیه بومقوله امنیتیه سوء
استعمال دعواسنده قانوناً موجب جزا اوله جق

وتسلیم ایلدیکندن برامین و صاغلام یره وضعیله
محافظه سی وظیفه سندن ایکن ادعاسی وجهله
اچیق بردولابه وضعنده دخی امنیتیه سوء استعمال
وامر حفظنده قصور ایلدیکندن هر حالده مسؤلیتدن
قورتیله میه جغی و مذکور چیقین دروننده برچفت
ایکنه و اینجو و طقور لبراً موضوع اولدیغی قرائن
فاطمه و بیانات کافیه ایله متحقق ایدوکی بیانیله مروره
راسمه خانم طرفندن سرد ارتنان اعتراضات اعلام
معارض فیهک نقضی موجب اسباب و عللندن
اولدیغندن تصدیقی طلبی محتوی بولنش و باش
مدعی عمومیک مقام والاسندن اعطا قلنان تبلیغنامه ده
دخی حقوق عمومیه دعواسنک حق شخصی
دعواسنه تقدم ایده جکی صراحت قانونیددن
اووب تحقیقات استنطاقیه دن صکره ضبط اولنان
افادانک قرائت و امضا ایدوب اتمیه جکی حقنده
مظنون علیه دن انه جق جوابک درج اولنسی
لزومه دائر بیان اولنان معامله نك عدم اجراسی
موجب نقض اولدیغی حقنده صراحت قانونیه
کور یله مدیکنه و اشیا مذکوریه استیاد ایتدیکی
مزبور نك دائره استنطاقده وقوع بولان اقرار یله
مثبت اولدیغنه بناء اساس ماده یه و سائر لری
علیهنده اقامه دعوی ایدلک ایجاب ایده جکنه دائر
اولان اعتراضات شایان قبول کور یله مامش ایسه ده
اعلام مذکورک تضمینات شخصیه یه دائر اولان
جهتی حقنده سرد اولنان اعتراضات نقضی
موجب اولوب شو یله که مذکور چیقین تودیع
اولدیغی صروده شامل اولدیغی اشیا و مجوهرات
تعداد اولدیغی و شهادات واقعه لاعلی التعین
اولدیغی جهتله بوجهتک اشای رؤ یتنده اصول
محاکمه حقیقه قانون موقتک بیانات و تحلیفه دائر

صورت و دیعه نك صاحبی اضرار قصدیه کتم
اولنسی قضیه سی اولمغه دعوی مجوحت عنهاده دخی
بو قضیه نك در پیش مطالعه سی لازم کله رک اشعارات
واقعه یه کوره واقعا مدعیه خانک حاجی خانم برچیقین
براقدیغی وانکده بالقبول دولابه وضع ایلدیکی
ثابت ایسه ده اوراق مرقومه میاننده بولناضابطه
ژورنالنده و تحقیقات ابتدایه اورا قنده دخی
کوسترلیدیکی اوزره حاجی خانم بوچیقینی ایلک
سؤالده دخی انکار اتمامش اولسی اساسنه قارشو
اعلام مذکورده در میان ایدیلان مطالعه بو بابده
اضرار قصدیه کتم وقوعنک ثبوتی قاعده دلائل
و اسباب قانونیه دن معدود اولماق لازم کلوب مع مافیه
جمله اعتراضندن اولدیغی وجهله و دیه نك نوع
وقیعی حقنده برکونه امارات دخی ظاهر اولیوب
بناء علیه دعوی مذکوره حقوق عادیه درجه سنده
قالش اولدیغی حالده ذکر اولنان استیناف محکمه سنجیه
مطالعات سالف البیان ایله مزبور نك اولوجهله
بجازات و مسؤولیتنه حکم اولنسی موافق قانون
کور یله مدیکندن اصول محاکمات جزایه قانونک
اوچوز اون دردنجی اوچوز اون طقوزنجی
ماده لری نه توفیقاً ذکر اولنان اعلام استینافی نقض
اولمغه نقض اعلام خرجی اولان اکیوز غروشلک
اخذینه و اوراق مرقومه نك محانه اعاده سنه اکثریتله
قرار و برلدی

اعلان

فدوله کاتبی محمد هاشم بکک ایکنجی دائره سندن

فی ۱۹ کانون اول سنه ۳۰۰ تاریخی و در تیوز
یکرمی اوچ نومرولی و یریلان برقطعه اعلام
و جاهی موجبجه اتمکچی باشی زوجه سی عایشه
خانم دینی اولان مبالغک تأمین استیفاسیچون خانم
مومی الیهانک استدعاسی و ریاستک قرار یله تحت
جزه الدیر یلان غلطه ده سلطان بایزید محله سنده
حفاظلر زقاغنده یدی و طقوز نومرو ایله مرقم
تخمیناً و ربعاً اوتوز ارشون اوچ پرمق جدید
واللی ایکی ارشون التی پرمق عقب عرصه اوزرینه
مبنی کار کیر ایکی قانندن عبارت فوقانی و تحتانی درت
اوطه و بردار اجا و ایکی ابدستخانه و مالطه دوشه لی
برحولی و تحتنده بر مطبخ و درون مطبخده غادی
برقیوبی حاوی بر طرفندن ذهنی افندی عرصه سی
دیگر طرفندن مدیون میر مومی الیهک دیگر حصه دار لر یله
برابر شایعاً متصرف اولدیغی قهوه خانه ایله
فوقنده کی خانه سی اوکی حفاظلر زقاغیله محدود
و شهری اوچ عدد عثمانلی لیراسی ایجارلی بر باب
خانه ده مورثی متوفی محمد بکدن ارثاً بالانتقال
مدیون میر مومی الیهک متصرف اولدیغی ربع
حصه شایعه سنک تاریخ اعلاندن اعتباراً اون
بش کون صکره بالمزایده فروخته تثبث اولنه جغی
در سعادت بدایت محکمه سی اجرا دائره سندن
اعلان اولنور فی ۷ مارت سنه ۳۰۱

چار شوی کبیرده پردا جیلر زقاغنده مقیم حاجی
طناش یورکیادیسک تجار دن طر بزونلی بر بر یان
وظریف جورجیان قوه پانیه سی ذمتنده برقطعه سند

و طرف ریاستدن و بریلان امر عالی اوزرینه فروختی تحت قراره النان اورته کویده دره ایچنده کائن تخمیناً و تر بیعاً یکی بیک اوچبوز درت ارشون عتبق و بیک اوچبوز بکرمی درت ارشون جدید بر طرفدن ملت موسیو به دن قراقوی نك متصرف اولدیغی باراقه خانه سی و بر طرفدن اولوقلی نامیله معروف بوستان و ملت موسیو به دن اوسباتك متصرف اولدیغی خانه سی اوکی دره جاده سیله محدود محترق دکاکین و خانه لر عرصه سی تمامک اون بش کون صکره بالمزاید فروخته تشبث قلته جنغی اعلان ایدلشیدی بوکره املاک مذکره نك سندی کتوردیلرک مذکور عرصه لر بهود خانه عرصه سی ایدوکی کورلش و دائره سندن اولنان سوال اوزرینه مذکور عرصه طقوز باب دکانه تقیم اولنه جنغی یازیلان درکنساردن اکلاشلش اولدیغی و مقدما دره جاده سنده قرق التی والتش و مفید بک زقاغنده ایکی ودرت والتی وسکز و بر واوچ و بش نومرولرله مرقم خانه لرله کذک دره جاده سنده قرق سکز والتی والتی ودرت والتی التی والتی سکز نومرولرله مرقم دکانلر عرصه سی تمامدن عبارت بولنوب لیرای عثمانی یوز غروش حسابیله بکرمی بیک غروشه طالبی عهده سنده تقرر التش اولدیغندن بدل مقرره مذکوره دن فضله یعنی یوزده بش ضمیله طالب اولانلرک تاریخ اعلان اعتباراً نهایت اوتوز برکون طرفنده دائره به مراجعت التلری در سعادت بدایت محکمه سی اجرا دائره سندن اعلان اولنور

فی ۱۵ نیسان سنه ۳۰۱

موجبجه الاجغی اولان اللی عدد عثمانلی لیراسنک مع فائض و مصارف محاکمه مرقومان (ب) بر بریان و ظریف جورجیان قویپانیه سندن تحصیلی حقنده قابل اعتراض اولوق اوزره ایکنجی مجلس تجارتدن ۱۷ جادی الاول سنه ۳۰۲ ۲۵ شباط سنه ۳۰۰ تاریخلو و بشبوز قرق اوچ نومرولی برقطعه اعلام غیبانی صادر اولش و مرقومانک زرده اولدققری بیلنه مدیکی و محل اقاتلری دخی معلوم اولدیغی جهتله اعلام مذکور صورتک نظام مخصوصنه توفیقاً اعلاناً تبلیغی الاجغلی و کیلی طرفدن باعرضحال استدعا قلتمش اولدیغندن اصول محاکمه نظامنامه سنک بکرمجی ماده سنک در دنجی قتره سنه توفیقاً مذکور صورت مدیونان مرقومانه تبلیغ اولتمش عد اولنوق اوزره محکمه تجارت اجرا دائره سی دیوانخانه سنه تعلیق ایدلکله تاریخ اعلاندن اعتباراً طقسان برکونه دکین مرقومانک محکمه تجارت اجرا دائره سنه مراجعتله اثبات وجود ایتسی و ایتدیکی تقدیرده بر منوال محرر اعلام صورتک کندولرینه تبلیغ اولتمش عدیله حکمک اجرایی طبیعی اوله جفندن اعلان کیفیته مبادرت قلندی فی ۱۲ نیسان سنه ۳۰۱

آمدی دیوان همایون خلفاسندن معاون اول سعادتلو مفید بک افندی حضرتلرینک بدایه و استینافاً صدور ایدن اعلامات موجبجه محمد جمال الدین بکه غیراز استیفا محکوم به دینی اولان مبالغ معلومه نك تأمین استیفا سیچون داین مومی ایله عهده سنده مرهون اولوب وقوع بولان استدعای

شهیندر سابق حاجی خلیل افندی نك بدل التزامدن طولابی بدایه و استینافاً وانی تصدیقاً محکمه تمیز حقوق قسمندن فی ۵ کان ثانی سنه ۳۰۰ تاریخلو اعطا قلنان اعلام موجبجه مالیه خزینه جلیله سنه دینی بولنان معلوم المقدار مبالغت تأمین استیفا سیچون تحت حجزه النان زردبان قریه سیله ارن کوی بی بیلنده صحرای جدید محله سنک جامع شریفی اوکندن مرور ایدن بوستانجی طریق اوزرنده کائن بر طرفی مرحوم جمال بکک متصرف اولدیغی برقطعه باغی و بر طرفی مدیون مومی الیهک متصرف اولدیغی بو جککک محلی ارقه سی مدیون مومی الیهک زوجه سنک عهده سنده بولنان باغ محلی اوکی مدیون مومی الیهک متصرف اولدیغی انکنارلق محلیله محدود تخمیناً اون ایکی دو نمدن عبارت و بشبوز عددی مجاوز اشی سز پیراق طوت اغاجنی مشتمل برقطعه طولنگک تمامی و محل مذکورده واقع بر طرفی کذکک متوقای مومی الیهک متصرف اولدیغی باغی و بر طرفی مدیون مومی الیهک متصرف اولدیغی تر لاسی ارقه سی ذکر اولنان طولنگک محلی اوکی قره غونخانه جاده سیله محدود اون ایکی دو نمدن عبارت برقطعه انکنار لغک تمامی و محمود پاشا محله سنده نور عثمانیه جاده سنده واقع بر طرفی قیوم باشی حافظ شوق افندی نك متصرف اولدیغی قرق درت نومرولی خانه دیگر طرفی امینه خانمک متصرف اولدیغی قرق نومرولی دکانی ارقه سی شریف افندی زقاغی اوکی طریق عام ایله محدود تخمیناً در تیوز اللی بش مترو یعنی یدی یوز طقسان یدی ارشون اون التی بر مقدن عبارت قرق ایکی نومرولی برقطعه

عرصه نك تمامی و محل مذکورده یشیل دیرک بقالی ذوقاغنده کائن بر طرفی حاجی غالب افندی نك متصرف اولدیغی سکز نومرولی دکانی و بر طرفی اون ایکی نومرولی دیگر دکان ارقه سی تحته خان اوکی یشیل دیرک زقاغیله محدود تخمیناً یدی مترو یعنی اون ایکی ارشون درت بر مق عرصه اوزرینه مینی اون نومرولی بر باب دکان کدککک نصف حصه سی و تحته قلعه جاده سنده واقع بر طرفی حلواچی حاجی انجک افندی نك متصرف اولدیغی التمش التی نومرولی لامبه چی دکانی و بر طرفی مدیون مومی الیهک متصرف اولدیغی اوچ نومرولی تنکه چی دکانی ارقه سی شکرچی دکانی حاجی محمد افانک شکرچی دکانی اوکی طریق عام ایله محدود تخمیناً سکسان بش مترو یعنی یوز قرق یدی ارشون بکرمی بر پارمقدن عبارت بر نومرولی کبابچی صلاح دکانک تمامی و محل مذکورده کائن بر طرفی و ارقه سی ذکر اولنان بر نومرولی صلاح دکانی و بر طرفی خاخم شمانتونک متصرف اولدیغی بش نومرولی دفتر چی دکانی اوکی طریق عام ایله محدود تخمیناً بش مترو یعنی سکز ارشون اون التی بر مق عرصه اوزرینه مینی ذکر اولنان کبابچی صلاح سندن مفرز اوچ نومرولی صلاح تنکه چی دکانک تمامی و محل مذکورده کائن بر طرفی ذکر اولنان بش نومرولی دفتر چی دکانی دیگر طرفی قائم مقام عزیز بکک متصرف اولدیغی صدقچی دکانی ارقه سی ذکر اولنان کبابچی صلاحی اوکی طریق عام ایله محدود تخمیناً سکز مترو یعنی اون اوچ ارشون بکرمی اوچ بر مق عرصه اوزرینه مینی یدی نومرولی بر باب کاغدیجی دکانک تمامی تاریخ اعلان اعتباراً اون بش کون صکره

بالمزایده و فروخته تشبث اولنه جنی در سعادت
بدایت محکمه سی اجرا دائره سندن اعلان
اولنور فی ۱۵ نیسان سنه ۳۰۱

قبضمال استیپات اغانك لاز اوغلی حاجی محمد
ورته لری ذمترنده ککبوزه بدایت محکمه سندن
صدور ایدن فی ۵ ایلول سنه ۳۰۰ تاریخلو
واوتوز سکز نومرولی اعلام موجبجه محکوم به
مطلوبی بولنان معلوم المقدار مبالغك تأمین استیفا
سیچون داینك استیغاسی اوزرینه وقوعات
قلندن لدی السؤال مدیون ورته مرقومون عهده
لرنده اولدیغی قیداً تبین ایدوب اصولاً تحت حجزه
النان طوشانجیل قریه سنده چتال چشمه نام محله
واقع طرفلری حاجی امین ونقیسه خانم و چالق
صالح و بکر افندی ترلاریله محدود ایکی بچق
عتیق و ایکی دونم جدید برقطعه وینه قریه مذکورده
بطاقلر نام محله طرفلری حاجی قاسم اوغلی
صالح و طرفین طریق عام ایله محدود اوچ دونم
عتیق و ایکی بچق دونم جدید برقطعه که جمعاً ایکی
قطعه باغلرك تاریخ اعلاندن اون بش کون صکره
بالمزایده فروخته تشبث اولنه جنی ککبوزه بدایت
محکمه سی اجرا دائره سندن اعلان اولنور

فی ۱۶ نیسان سنه ۳۰۱

پاندالاکى انسطاشیادینك یونان دولتی تبعه سندن
استمات پروقویه اولان دیون محکومه سنك
تسویه سیچون رهن اولق اوزره داین مرقوم

عهده سنده و فاء فراغ ایدلمش بولنان بیک قریه سنده
کلیسا جاده سنده برطرفی ایزنايدر ورته سی
منزلی و برطرفی داود اوغلی و یجن اغانك ولازاکى
زوجه سی قاترینه نك منزل و باغچه لری و دیگر
طرفی بنه ایزنايدر ورته سی باغچه سی و طرف رابعی
طریق ایله محدود یکر می التی نومرولی خانه والیوم
تخمیناً جدید یوز سکسان طقوز و عتیق ایکیوز
اللی ارشون مقداری عرصه ایله بونك مشملاتندن
اوله رق علی النخمن جدید یوز اوتوز التی و عتیق
یوز سکسان ارشون عرصه اوزرینه مینی سکز
اوطه و برصفه بی مشتمل کوشك ایله مع باغچه
برقطعه مطبخ و جامکانلی حمام بوندن مقدم موقع
مزایده یه قونیه رق عثمانلی لیراسی یوز غرو شده
طالبی عهده سنده قالمش و تاریخ اعلاندن اعتباراً
اوتوز برکون یعنی کله جك مایسك اون طقوزنجی
بازار کونی ساعت اونه قدر یوزده بش ضم قبول
اولنسی و ذکر اولنان یوم و ساعتده صوک مزایده سی
بالاجرا قرار قعیسی و یریلهرک طالبی عهده سنه
چکورلمسی مقرر بولنمش اولدیغندن و اندن صکره
هرنه ضم وقوع بولور ایسه قبول اولنیه جفندن
مذکور املاکه یوزده بش ضمیمه طالب اولنرك
وده از یاده معلومات المتی استیانلرك مدت مرقومه
ظرفنده محکمه تجارت اجرا دائره سنه مراجعت
ایللری و یوم و وقت مز بورده محل مذکورده
حاضر بولنلری اعلان اولنور

فی ۱۹ نیسان سنه ۱۳۰۰

~~~~~